



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1604

Martyrivm S. Isidori. Ex Metaph. Passus est anno Domini 253. Sede vacante. Decij Imp. 1.

urn:nbn:de:hbz:466:1-42667

Varia eius
miracula.

Sacra muni-
tus commu-
nionem e vita
discedit.

624 MARTYRIUM S. ISIDORI
statem non raro orationibus sedavit, cæci
dam oculos sacro perunctos Chrismate illu-
navit; quendam Regis filium à dæmone libera-
alijsque sanè miraculorum, virtutibus sancto-
sue testimonium dedit.

Septimo ante obitum suum die, sacrosancti
corporis & sanguinis Domini mysterijs, ad cele-
stem patriam iter sibi quotidie munivit, & quan-
tum ingrauescens languor de corporis viribus ad-
imebat, tantum Dei gratia spiritum confirmabat,
donec ægrum corpus tanquam carceris habitaculum
cum gaudio desereret.

Tùm verò incredibilis, pauperum & egenorum
gemitus exortus est. Quomodo enim non maxi-
mum ex eius morte dolorè caperent, cuius beati-
gnitate se frequenter ab inopia sublevaros recor-
dabantur? Itaque assiduis lachrymis funus eius om-
nes prosequerantur, quod, eius præcepto, ma-
gno humilitatis indicio, non in templo, sed extra
basilicam procuratum fuit. Erat autem sepulcrum
eius pensili lampade, ex ligno fabrefacta, adorna-
tum, ipsa verò sepulcri superficies expanso ve-
lamine contecta. Quadam verò noctè lampas in-
flammata in linteum decidit, quod procul dubio
meritis sancti viri ita ab ignis læsione intactum
permanfit, ut nihil omninò damni perceperit.

Vide Cæsar. Baron. Tõ. 2, Annal. MARTYRIUM S. ISIDORI. EX METAPH. Passus est anno Domini 253. Sede vacante. Decij Imp. 1.

3. Februarij.
Patria eius.

SANCTVS & inuictus Christi martyr Isidorus, ciuitate magni nominis Alexandria oriundus, postquam se egregiè aduersus tyrannorum crudelitatem, Christianorum sanguinem

crudelissimè sciencium, multis varijsque pietatis
 studijs muniuisset, accidit, ut quidam sceleratę vi-
 ce Centurio, Iulius nomine, sancti huius marty-
 ris eximia pietate, qua impium deorum cultum
 auerfabatur, offensus, eum apud Numerium, su-
 prenum Decij tyranni exercitus ductorem accu-
 sare. Qui protinus martyrem tribunali suo sisti
 iussit. Et primo, de nomine interrogatus. Isidorus
 se appellari respondit. Mox autem quaestione de
 religione & deorum cultu instituta, & animo &
 voce libera deos nefandos execratus est. Cui Nu-
 merius, Ut video supplicijs tu multis & tormen-
 tis dignus es. Tum Isidorus, Dignus ego pro Deo
 meo & contumelijs & plagis & morte sum. Ve-
 rumtamen scire te oportet, corporis quidem hu-
 ius fragilitatem tuę crudelitati subiectam esse, a-
 nime verò immortalitatem nequaquam. Quare
 nihil moror, tormenta exerce, & crudele impię
 voluntatis tuę desiderium perface. Numerius au-
 tem, Ego tibi, inquit, ò Isidore, meo acquiescere
 consilio statim persuadebo. & his dictis, à quatuor
 viris extentum, boum neruis crudelissimè cæ-
 di mandauit.

Circumstans autem turba, ut se à crudelissimis
 temperet supplicijs, dijs sacrificando, multis ver-
 bis rogare ccepit. Quorum ille preces reiiciens,
 constanti animo vni, vero & eterno Deo sacrifi-
 care restatus est. Vista hac animi fortitudine Nu-
 merij malitia, consultatione cum suis habita, gla-
 dium, lata sententia, feriri iussit. Mox igitur à
 spulatore ad locum certaminis ductus, primò
 quidem immensas omnip. Deo gratias egit, dein-
 de omnibus qui sui memoriam pię agerent di-
 uini nominis protectionem à Deo precatus est;
 postremò flexis in terram genibus, postquam
 totum

Accusatur
 apud Numé-
 rium.

Præclara
 martyris
 vox.

Cæditur
 neruis boum.

Crucis se si-
gno munit.
Plectitur
capite.

totum corpus crucis signo armasset, gladij illum
excepit. Ammonius autem magna ei familiarita-
te coniunctus, sanctissimum eius corpus, polli-
bito iniqui Numerij mandato, qui illud feris-
nandum relinqui volebat, eodem in loco tem-
mandavit.

Sanctas eius
reliquias
Myrope do-
mum suam
deportat.

Post aliquot deinde dies, veneranda & p̄terea
clara Myrope matrona, Epheso imminente Chri-
stianorum persecutionem declinans, cognito
præclaro inuicti martyris Isidori certamine, sa-
cras eius reliquias magno studio indagabat. Sa-
crum tandem sanctissimi corporis thesaurum in-
star luminis resplendentem, inuenit, quem sum-
ma cum veneratione, ancillarum adiuta misit-
rio, domum suam detulit.

Templum.
S. Isidori.

At ciues Chij, apud quos certaminis sui cur-
sum perfecerat, magno eius desiderio sancij non
distulere insignem illi Basilicam erigere, in qua
maximo pietatis officio sanctas eius reliquias re-
cõditas seruârunt. Sed & Marcianus apud omnes
tunc pietate celebris, qui sanctæ Irenes & Anasta-
siae templum eadem in ciuitate excitauit, eodem
sanctum Isidorum honore profecutus est: par-
temque reliquiarum aromatibus & sacro vogue-
to conditam, ibidem reposuit. Vbi sanè non infi-
mæ notæ miracula Deus ad martyris sui gloriam
illustrandam operatus est: nam & immûdos spi-
ritus fugauit, & plurimos graui infirmitate op-

Miracula ad
S. reliquias
eius.

pressos liberauit, omnibusque, quacunque
in angustia constitucis, martyris sui
memoriam pie recolentibus be-
nignitatis suæ opem
ostendit.

MART.